

中國方志叢書·東北地方·第二八號

據

民國·孫蓉圖修，徐希廉纂
民國九年鉛印本

影印

黑龍江省

瑗瑋縣志

(二)

成文出版社有限公司印行

中華民國六十三年 月臺一版

瓊瑋縣志

全二冊

發行人：黃 成 助

台北市郵政信箱二二六〇五號
出版者：成文出版社有限公司

台北市郵政信箱二二六〇五號
台北市羅斯福路三段240巷5號
電話：三四〇一三二號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

黑龍江省
瑷琿縣志

樂壽孫蓉圖謹識

瓊瑋縣志序

民國九年十二月瓊瑋縣知事孫君鏡忱以其縣志初成問序於余
余維志之不修久矣長民者慎供厥職劬其力於簿書期會往往不
暇以爲爲之而有成勿論其書之精麤純駁亶蘄備一方之俗與事
無俾散佚後之人得有所考鑒於斯斯亦可謂良有司矣在昔周官
土訓誦訓職掌燦然有一地而不知其地之事與物與求不知其方
志方慝之爲奚若烏可以施爲乎士夫守禮家世譜牒猶有存者况
其在有國乎近頃以來國家日下文令徵求各方志乘良有以也黑
龍江地處窮邊文獻之闕肇自古昔採輯之難不獨瓊瑋一邑故文
令迭下而應者絕鮮本省設局輯修通志亦以各縣志乘充無所據

閱歲時而木蕨事余方病焉一旦睹此喜可知也雖其體例文辭未能盡善然備一方之俗與事使後之人有所考鑒行知其地之事與物與求而熟察乎方志方慝之詳以施於爲政其爲功又非第應志乘之徵求已也鏡忱可謂知本矣黑山孫烈臣

瓊瑋縣志序

爲政者必考其政之所施博而約之繁而簡之悉其要領得其指歸然後從事不勞而理若網在綱有條而不紊並垂範於後人如良工然閉門而造車出門而合轍蓋有所持者在也不然以地方而寄之一人以一人而叢之萬事茫茫然於地方之禮教風俗山川之勢物土之宜與沿革乘除演進毫未留於其衷而且瞠目無睹則其治蓋可知矣此吏治之所以日窳而得爲政之本者之難也歲乙卯鏡忱來宰瓊邑晉謁於余惘惘無華望而知爲儒吏甚有以期望之俾光於斯土惟余來去頻繁丁巳復蒞斯道適有督勵各縣編纂邑乘之命鏡忱欣然從事並詢概要於余而以典籍闕如文獻無徵爲憾

余維志者誌也古之方域地理博後曰志曰考曰紀皆言紀其實也此物此志信而可徵傳之彌久後之賢者因是而推闡光大之斯可矣鏡忱謹余言因集其邑之賢士君子老成名宿博徵詳稽勤勤勗勗以期於成而余旋去庚申復來而稿適脫持書求正余覽而嘉之邊荒之閤寂人民之屯僊金石之晦沉竟能提要鉤元創而成之於地方風俗山川道里民族物產釐然可考以爲一方之典籍國史之嚆矢俾後之人知考方志方慝之別以求爲政之要豈非此志之所貽與誠哉

軍長之言曰雖其體例文辭未能盡善然備一方之俗與事使後之人有所考鑑以施於爲政扼要之論也數語盡之矣余又何敢贅言

惟序其志之沿起及余來去之迹而竟得以余觀成豈偶然哉本此而探爲政之要舉而措之裕如矣後之賢者鑒於創斯志者之難因是而擴充纂輯之以緝邊域之光斯又所厚望也是爲序京兆張壽增

瑗瑋縣志沿起啓

志乘爲地方要籍凡觀一郡邑之政治風俗戶口之繁簡財賦之盈虧物產之豐嗇人民之文野皆於典籍是賴而得其從政之由瑗瑋居我國東北極邊逼近強俄清初已視爲重地則凡關於斯土之地理形勢政治上一切布置皆當詳細記載按籍可得以考政治之沿革借鏡之源流乃有清一代賢達輩出豐功偉烈不可指數要皆從事於戎行武功彪炳未暇致志於典籍而草萊未闢象著屯蒙文教闕寂關於地方紀載更絕無私家著述近數十年以迄民國紀元文化洊昔明哲賢俊相繼輩出羣知以典籍爲重而文獻無徵引爲闕

憾民國四年 奉

命來蒞茲土臨履山川周視原野察戶丁鈎稽物產而知邊地之
政治設施與治內地迥異更兼全縣地域以江爲界處處鄰俄交涉
繁多厯隨諸

道憲之後得觀處理外交審機觀變提要鈎元方能內不失己外不
失人臻於妥協欲將厯年所得筆之於書藉以自勵爲仕學並進之
資適奉

省署有編纂縣志之命在竊念瓊邑縣志一無憑藉從事編纂爲
倍難而倍要爰於六年召集邑紳現任協領徐述之及周輔臣諸君
商議斯舉一以委之以觀厥成諸公以地方要務欣然引以爲任惟
以方策未布採集實艱兵燹之餘故老流徙尤以廷訪爲難且諸公

抑然之度堅請恭 圖操筆爲刪削之役一行作吏學殖久疏何能與
於潤色之業惟懍

上之命而且以璦之必當創是志也爰與諸公協而成之捫槃扣聲
知多未當敬懇

上之誨示頒賜訓言冠諸篇首並博雅君子教而正之俾是編得爲
邊隅之一政書地方之幸亦恭 圖之幸也璦 瑋 詳 知 事 孫 恭 圖啓

中華民國九年四月誌於璦瑋官廨

珍

理

果

光

卷

一

瑗瑋縣志跋

瑗瑋地處極邊與俄爲隣山嶺重疊幅幘延袤憑高眺遠襟江帶河實一險要之區惟人民樸素戶籍散佚從無志乘可稽實吾瑗政治文化外交上一大缺點爲吾紳民所遺憾民國四年縣長孫鏡忱公來蒞茲土下車伊始以經國大計首在邊疆瑗瑋爲江省東北門戶外接強隣內撫曠野庚子兵燹元氣未復雖鼎革以來規模粗具而人民散處土客紛曉礦產林務事最繁劇文學未著化民強國之基尤關重要公運之以精思持之以毅力締造經營首先擴充學校整頓警團薄徵節用招墾勸農禁植粟未及期年已著大效復以地方政要首在圖籍志乘闕如實爲大憾爰召廉等而屬以縣志之役

聞公緒論指示要歸實愜夙心惟學術謏陋多年從戎並經理鄂民事業習與樸野學殖荒落操筆典志知所難勝惟關地方要舉且幸得我孫公典雅文宗熱心提倡提綱挈領闡著精微廉等又何敢辭爰檢各屬文牘廣詢士紳以及老農騶卒擬輯地理政務財賦交通外交祠祀學務武事人物禮俗物產藝文庫事各類撰爲概略歷呈我公裁閱二載而書成雖拙陋無文而其關係地方者則甚鉅曷古無冊籍而以此爲碣矢廉得附於簡末皆公之賜也固圍實邊靡進文化後之人考而求之公之志與事俱於此書見之矣是爲誌謹跋徐希廉

docsriver 文川网
入驻商家 古籍书城

在文川网搜索古籍书城 获取更多电子书

例言

黑龍江五城環琿實居其一而創設自康熙朝官書如大清一統志滿洲源流考諸書紀琿琿事特略且琿琿旗署舊檔自遭庚子之役隻字無存雖在庚子之先曾有報省之案屢往調取而未應致無考鏡

黑龍江向無省府縣志其黑龍江外紀卜魁紀略諸書皆略而不詳所以此書得之父老傳說者十之四五得之實地調查者十之二三得之於舊記並討論者十之一二
郡縣志古事今事應並重此書詳略不倫而偏重於人民財賦教育兵事實業外交貢其一得之愚俾爲經世之助

山川主名俱從今稱舊記名稱亦備錄之俾得各史互相印證山嶺高度水源里數則皆約略估計也

瓊瑋城官兵自前清征調以來無役不從且陣亡入祠者頗多茲以省卷難求而本署案牘闕如湮沒忠義未知凡幾討論調查者爲陳紳靜山吳紳朗山周紳輔宸諸君故瓊瑋事蹟略得梗概

此書編輯始於民國七年秋迄至八年脫稿文獻無徵簡編莫考雖未二年而告成然皆從簡就略紀其事實

蓉圖茲蒞斯土官以知事應盡知方之責任以補瓊縣圖籍之未備惟典籍無存學殖又苦荒落書成編爲十四卷叙述凌雜鄙漏不文大雅君子幸匡正之

瓊瑋縣志卷一

地理志

一 疆域

二 山嶽

三 河川

四 城池鄉屯

五 氣候

六 古蹟

勘誤表

正	誤	數字	數行	數頁	數卷
枚	析	三十二	六十	二	一

瓊瑋縣志卷一

璦琿縣志卷一

地理志

知方氏曰黑龍江城古卽璦琿居黑龍江右岸距內地絕遠前清定鼎驅羅刹於大興安嶺外凡嶺陽之流以薩哈連烏喇爲歸墟者胥立版圖體國經野設官分職初置軍區後改郡縣井疆犂然規模俱備璦琿雖一隅之地民庶土沃林礦豐富充其財賦利其交通內瞰全省外拒強鄰實黑龍江一重鎮也謹作地理志首疆域次山河次城池村屯以古蹟殿焉

一疆域

黑河道道尹公署
附郭璦琿縣一屬縣三呼瑪漠河

羅北黑河道屬北濱黑龍江南至小興安嶺二百五十里西至額爾古訥河口二千餘里東至松花江口一千四百餘里

瑗瑋縣屬東枕黑龍江距黑河七十里西至小興安嶺一百八十里北至西爾根奇卡界四百餘里南至遜河口三百餘里因有水名瑗瑋故以得名瑗瑋河在今俄人佔據我六十四屯之中全境內環峻嶺外襟大江其勢蜿蜒紆迴延袤八百里內多崗嶺林巒河流汊港誠爲沿邊險要之地

二山嶽

興安嶺外紀云小興安嶺或作在縣西一百八十里高四百四十餘丈長向東南蔓延青黑兩山西北達於黑龍江右岸嶺左流出之水

入黑龍江嶺右流出之水入訥河松花兩流

二龍山在縣西九十餘里高四十餘丈長六里山下有旅店數戶

一駕山在縣東南八十里龍俗稱巴拉哈達山下卽枕黑龍江向係水師營存船之塢高三百餘丈

長接西嶺綿延而去產楊柳各木

二駕山在縣南九十里高二百餘丈長三十餘里產樺柞各木

三駕山在縣西南百里左右高一百八十餘丈長二十餘里產榆楊各木

長嶺山在縣西南四十五里高五十餘丈長十餘里均屬細沙豆石
遇雨無泥

礮臺山在縣西二十餘里高三十餘丈長向北綿延不斷

卡倫山在縣北三十餘里高二十餘丈長十餘里山前卽卡倫山屯
額泥河山在縣北一百二十里高四十餘丈長二十餘里產柞樺各
木

白石磧子山在縣北一百九十餘里高五十餘丈長接連北行以致
額爾古納河口爲止山嶺叢疊樹木蒼翳綿延不斷難於析舉

三河川

黑龍江自西北俄界星宿海發源以致東南流入東海口查黑河道
尹之屬界卽上自額爾古納河口起下至松花江口爲止約在四千
里左右

庫瑪爾河自小興安嶺發源流入黑龍江距瑗瑋縣六百餘里此河向產東珠前清時代每值大婚之年必先由烏拉總管派撥官兵到瑗飭工司備舟裹糧抵庫瑪爾河捕珠霜降以前必返烏拉總管衙門銷差

坤河自興安嶺左發源流入黑龍江距瑗瑋縣西南三十餘里額爾兒河自嶺左發源流入坤河距瑗瑋縣西一百一十餘里庫莫爾河自嶺左發源流入遜河距瑗瑋縣西一百四十餘里遜別拉河自嶺左發源流入黑龍江距瑗瑋縣南三百餘里科爾芬河自嶺左發源流入黑龍江距瑗瑋縣南四百餘里烏雲河自嶺左發源流入黑龍江距瑗瑋縣南五百八十里

設四協領分管之並二十六佐領內有正白鑲紅漢軍二佐領亦隸各旗協領兼管並防禦八員驍騎校二十六員領催委官前鋒每佐六名兵五十餘名水師營四品官一員五品官二員六品官二員領催八名內有委官二名水手四百餘名官莊六品屯官一員領催四名壯丁二百餘名自光緒三十二年瓊瑋人民歸業於三十三年經副都統姚公請款庀料建衙設署修葺四門城壕南北長一里六五東西寬一里四計周城六里一分

各司職掌 皆委任

堂司一曰印務處掌管副都統印信及理賀表謝恩摺兼收發文件等事司長爲監印官 印務處 其下印務筆帖式一員額委筆帖式二員

看印官一員其餘司員筆帖式隨時添派行走印存堂司印鑰存副都統府第監印官則執印鑰牌鑰為請鑰用印信符證

戶司掌管官兵俸餉旗民戶口地畝賦稅進獻貢物各事宜凡民事

訴訟俱屬之司有關防司長為掌印其副為幫印掌印 副印 關防 正關

防筆帖式一員案 公 稱 印額委筆帖式二員司員無定額掌印或派協

領或揀派佐領屯官為之驍騎校由筆帖式升補者亦可委派印或

協領如不勝任僅可司中行走署名畫諾不能主持司事

兵司掌管兵馬軍政外交緝捕各事宜司有關防司長為掌印其副

為幫印司員以下各名額與戶司同

刑司掌管人命盜案刑事訴訟各事宜司有關防司長為掌印副為

docsriver 文川网
入驻商家 古籍书城

在文川网搜索古籍书城 获取更多电子书

幫印關防筆帖式爲掌案其司員以下各名額與兵司同
工司掌管修造監製一切工料事宜司有關防司長爲掌印副爲幫
印關防筆帖式爲案公其司員以下各名額與刑司同

知方氏曰此雖前清時代舊制不可不記然將軍遷移而入旗五
司仍在迨於光緒三十四年間始將戶工併爲左司兵刑併爲右
司印務處仍舊改爲三司始歸副都統公署之制繼而改治道區
以瑗瑋廳改組一等縣所屬村屯一百一十五處

五氣候

瑗瑋縣處於北緯四十八度六分高於北京八度奉天省城六度吉
林省城四度黑龍江省城二度故視諸省城寒度較增熱度較減

夏至日出最早爲上午四時十分日入最遲爲下午七時四十四分
冬至日出最遲爲上午七時四十一分日入最早爲下午四時一十六分

夏至夜最短得八時二十六分晝最長得一十五時三十四分

春分秋分日出爲上午六時日入爲下午六時晝夜長各十二時寒
暖之候較北京差兩月南京三月較黑龍江省城約差一月最暖不
過數日早晚仍用襖衣至寒之期重裘無溫堅冰在鬚人皆白眉

九月霜降卽冰不逾前後三日江冰暢流立冬必須封江載車絡繹
經度無虞次年四月立夏始行開凍冰流半月可以行船每年航業
平均不過五閱月其沿站各屯小河開凍之期視清明節早暮諺云